

آبونه شرائطی : هریر ایچون
سنه لکی (۲۷۵) آلتی آیلمی
(۱۵۰) خارج ایچون سنه لکی
۳۲۵ غروشدور .

نسخه خاصی ۵ غروشدور .
ایکی نسخه برآراده
(۱۰) غروشدور
سنه لکی ۵۲ عددور .

اداره خانه : باب عالی جاده سنده
رشید افندی خاننده

اخطارات

آبونه بدلی پشیندر .

مسلكه موافق آثار مع المثنونیه
قبول اولنور . درج ایدله یین
یازیلر اعاده اولنماز .

الکتابخانه

سیر () ۳۳۰ ۱۳۳

والله یهدی من یشاء الی صراط مستقیم

باش محزون
محمد عاکف

صاحب و مدیر
اشرف ادیب

اتبعون اهدکم سبیل الرشاد

بولنان سالونلرده کی ماصه لردن هر برینک بر کیجه ده بیک لیرا حاصلات یابدینی میدانده در . یونی کمال حیرت وتلهفله فارشیلاماق ممکن میدره؟ « فاعتبروا یا اولی الابصار » ایشه شو وضعیت رهبری ایچی دکلدرده نه در ؟

استانبولده منع مسکرات قانوننک تطبیق ایدیلسنه بتون ملت وحقی عناصر غیر مسلمنه تک بیله بیوک بر قسمی منتظر ایکن قانون تطبیق ایدلکدن ماعدا ممرناس اولان گوشه ناشی قهوه خانلره یکیدن بیرا طولومبالری وضع ایدلدی . بو طولومبالرک اطرافه دهها میخانه لره کیرمه جسارت ایدمهین اون اون ایچی یا شلرنده کی معصوم چو جققلر طولومبالرینورلر . عادتا مسابقه ایدرجه سنه بیرا ایچیلورلر . کو برینک بر باشنده ایچوب دیگر طرفنده یرلره سریلدکلرینی کوزلرمله کوردیم . زواللی اولیای اطفال آرتق بو حاله نکران اوله رق دلخون اولمازی ؟ سربستی مسکراتدن طولای اکتساب ثروت وسامان ایتمش بر فرد مسلم کوستریله بیلورمی ؟ و فقط ایچی یوزندن محو اولانلر صایله میه جق درجه ده چوقدر . بز بو قدر زماندنبری غریبلری تقلید ایده کادک ، اولره یریندک . آرتق بوندن صکره اولر بزه یرینسونلر . زیرا استقلال تام انجق وانجق اولری بزه یریندیرمکه اوله بیلور . ارتق نسل آتینک قورتارلمسی زمانی حلول ایتمش در صانیرم .

ای مبعوثان کرام اسزدن هم انسال آتیه وهمده تاریخ ملت بیوک ویک بیوک خدمت بکلور . نامکزک تاریخه یک بارلاق بر صورتده یازلمسی آرزو وبالوسیه تقدیم تعظیمات اولونور .

هلال اخضر جمیتی هیئت دائمه اعضاسندن
حمای

مهرال الدیمه فیاضی

یکی علم کلام حقنده

سبیل الرشاد جریده اسلامیه سنه

شیخ محسن قالی الظاهری حضرتلرینه

ایکنجی بیانات علیه کزی ده اوقودم ، بینه کلام و کلامیانه هجوم اولنیور ، مسلمانانی شدتله علاقه دار ایدن بویله مهم بر مسئله حقنده شق شفه ایتماککم مؤاخذنه ایدلک ایستنیور .

فاضل محترم ، موضوع بحثمز اولان مسئله نک اهمیت درکاردر ، انجق یکی علم کلام مطالعه اولونمقسزین سرد ایدیلان سوزلری مخلنده دیولامش ، بالخاصه دیباجه ایله فصل ثانی نک ۲ ، ۳ ، ۸ بندلرینه عطف نظر بیورولمسی رجا ایتمش ایدم . نه چاره که رجارم قرین اسعاف اولوامش ، مجرد (سبیل الرشاد) ک بر صحیفه بی بیله طولدر میان ایضاحی

طولایسیسه اوزون اوزادی به اجاله قلم اولونمش ، محصل الکلام والحکمه نک هر بحثی بیله التفات حکیمانه کزدن محروم بر اقیلمشدر . مسلمانلر ایچون کافی کوردیککز ، دین اماملرینک تدوین ایتمش اولدقلری علم عقائد تمامیه محصل الکلام والحکمه ده [۱] ، بو عقائد سالمه نک طریق ، نظریه لری ده یکی علم کلامده [۲] مذکوردر ، محصل الکلام والحکمه ده ابن تیمیه ایله ابن قیم الجوزیه نک آثار مبرور لرندن اقتباس ایله اهل کلام مسلکی تنقید [۳] ؛ دین اماملرینک اصل اهل سنت ، متکلمین اهل سنتک قصورلی اهل سنت اولدقلری بیله هر ایکی ائرده توشیح اولونمشدر [۴]

وقتیله کلامیات دنیلان فلسفه دینه نک نه زمان ، نصل ظهوره کلدیکی ایضاح ایدیلرک یکی علم کلامده . ظلام تاریخه قاریشان اختلافات مذهبییه ، جدلات کلامیه و مناقشات مذهبییه نک احیا اولنه جنی ، یالکز ارسطو ، افلاطون ، جالینوسلره مقابل لوقلره ، قانتلره ، ده قانتلره باش اوریله جنی ، بیانیلرک حریم اسلامه آله جنی افاده بیوریلور ؛ بویله جه یکی علم کلامک لزومسزلی و فائده سزلیکی استخراج اولنیور ؛ اک نهایت یکی علم کلام ایله ، کلامیاتک یکیدن احدائی باعث حیرت ، موجب تأسف اولیور .

کلامیاتک زمان و کیفیت ظهوری حقنده کی افادات علیه کز ، عمومیق اعتباریله حقه مقرون دکلدیر ؛ بونکله برابر تعداد بیوریلان محذورلرک هیچ بری یکی علم کلامده بر طوعا مشدر ، مناقشات لفظیه ، اختلافات مذهبییه ، جدلات کلامیه احیا ایدلماش ؛ بلکه سبیل الرشادده ایضاح اولندینی وجهله بی سود اولان مناقشات لفظیه وجدلیه ساحه علمدن خارجه آتلمش ، اختلافات مذهبییه هیچ بر صورتده نظریات فلسفیه ایله تحکیم اولونما مشدر .

یکی علم کلامده عالم اسلامده ظهور ایدن طائفه لرک مسلک مخصوصلری الله باطنی الحاد نشر ایدن باطنیه نک اغراض فاسده سی ، تاریخه خیانت اولونمقسزین ، اولدینی کی بیان اولونمش ؛ دردست طبع اولان دیگر کتابلرده ده یالکز عقائد سالمه عن برهان آیان ایدلمشدر . امام اعظم ، امام ثوری ، امام ابی یوسف ، امام احمد ، امام اسحق بن راهویه کی ائمه مجتهدینک کلام علیهنده کی سوزلرینی کاول لسانمز ایله بیلدرین محصل الکلام والحکمه در ، [۱] یکی علم کلامده دین اماملرینک عقائدینه جدأ اهمیت ویرلدیکی اوقویانلره خفی دکادر [۲] ؛ متکلمین طریق اولان حدوث و اغراض طریقته اهمیت ویرمیان ، [۵] متکلمین

[۱] صحیفه ۳۶ - ۵۶ [۲] صحیفه ۹۸ - ۱۰۶ [۳] صحیفه ۶۶ - ۷۲

[۴] محصل الکلام صحیفه ۷۵ ، یکی علم کلام صحیفه ۹۷

[۱] صحیفه ۷۰ ، یکی علم کلام صحیفه ۷۶ ، ۷۷

[۲] صحیفه ۱۰۵

[۵] یکی علم کلام ایکنجی کتاب .

نقل صحیحک تمامیلہ موافق اولدینغی مین یزه غایت مهم بر اثر علی
اتحاف ایتشدرد [۷]

عقلک مابعد الطبیعیاتده یقینه وصول مسئلهنی عقلانک نزاع
ایتدکاری بر مسئله فلسفیهدر . ایقانه کی عقلک یقینه وصولی ادعا
ایدنلر بولدینغی کی اثباتیه کی عکسنی التزام ایدنلر ، انتقادیه کی
یقین اضافی قبول ایدنلر وارددر . علم ایله مشغول اولانلر بو مسالک
فلسفیلردن بریخی قبوله مجبور اولوزلر .

« مسالک فلسفیهدر آرسننده کی اختلافلردن ، تعارضلردن برحق و حقیقته
واصل اولنماز » دهنیور که یک طوغری بر سوزدر . بوبانده یکی علم
کلامده اوزون بر بند وارددر [۱] که ذ طریق فلسفیده اصلا بحران
فکریدن خلاص میسر دکلدرد ، شمیدی به قدر هنوز مسالک فلسفیهدر
آرسننده آهنگ کورولماشدر ، طریق فلسفی بر سلسله مکذیبینه
واصل اولور . « سوزلریله نتیجه لمتشدر .

« عقل ایله صفات الیهی اثبات ایتک نتیجه سز جدلیاته وجود
ویرر ، سوزینی بر کره تحلیل ایدلم : فی الواقع صفات الیهی بحی یک
عمیق اولان ، سلف امتی ائمه دینی یک جوق اشغال ایدن بر مبحثدر .
بونکله برابر سلف صفات الیهی سمع ایله اثبات ایتدکاری کی
عقل ایله ده اثبات ایدرلر ایدی ، ابن تیمیه بر جوق ارنده بونی تصریح
ایدور . سلف صفات باندده « اثبات مفصل ، نفی مجمل » طریق
الزام ایتشدر ایدی که تمامیلہ قرآن مینک ارشاد ایتدیکی بر طریقدر [۲]
عقل ایله اثبات صفات نتیجه سز جدلیاته وجود ویرر ایسه عقل اثبات
ذاتده نتیجه سز جدلیاته وجود ویرمزی ؟ اثبات صفات ایله اثبات
ذات آرسننده بو باندده فرق وارمی ؟ سلفک وضع ایتدکاری « اثبات
الصفات اثبات وجود لاثبات تکلیف و اثبات الذات اثبات وجود
لا اثبات تکلیف » دستوری اثبات صفات ایله اثبات ذاتی برابر طوئیور .
آندن قاجق لازم ایسه بوندن ده قاجق لازم کلیر . بو حالده قرآن مینک
امر ایتدیکی « ادله عقلیه دن اعراض ایتک ، « وکان من ایه فی السموات
والارض یرون علیها وهم عنها معرضون (۳) » . نظم جلیله ماصدیق
اولق دکلیدر ؟ قرآن میندده بر جوق امثال مضربوبه وارددر ، بونلر
بوتون عقلی مقیاسلرددر . بونکله جناب حقک خبر ویردیکی توحیدباری ،
تصدیق انبیا ، امکان معاد کی اصول دین ثابت اولور : شو قدر که متکلمین
قرآن کریمده خلاصه سی ایله ، موجود اولان اصول دینی تفصیل ایدرلر .
عقله معارض کورینان نقلی مجرد رأی ایله تاویل ایتک مذمومدر ،
جهیلیدر . فقط خبر و سمعه مستند ولان احکامی مناقشه علی الاطلاق
منوع دکلدرد ، خصمک تعرضدن وقایه مقصدیلہ مناقشه به کیریشمک وبال
دکل ، نوادر « لکل امرئی مانوی » حدیث شریفی خاطر دن حیقار ماملیدر .
[۷] درت جلد اولق اوزره طبع اولنان منهاج السنه ککنارنده مطبوع
اولان اثر علی [۱] صحیفه ۴۶-۵۶ [۲] محصل الکلام والحکمه صحیفه ۷۱
[۳] سورة یوسف

ایله سلفیه آرسننده مدار نماز اولان نقطه لردده ، خصوصاً صفات الیهی
باندده ، او قاوغالی بر بحث اولان کلام مبحثده ، [۷] خیر و شر ، قضا
وقدر کی ال عمیق بر مبحثده ، رازی (وفاتی : ۶۰۶) زمانندن بری
اظهار اولنه کلان ادله نقلیه مبحثده [۸] ، باب تاویلده بوتون سلفیه نک
اثرینی تعقیب ایدن کتاب بادی حیرت اوله جقمی ؟ بونک کی انجق
« دفع معارض » قیلندن اولق اوزره لدی الحاحه تاویلی [۹] ینه
سلفیه نک مساعده لریله تجویز ایدن [۱۰] مجرد نظر واستدلال عقلی
ایله آیات حق تاویله قالمشیمان ، باب نبوتده متکلمین طریقندن
آریلوب اهل بصائر طریقده [۱۱] سلوک ایدن کتاب باعث
شبه اوله جقمی ؟ عقائد ایمانیده آنجق و آنجق وجیه اعتماد ایدن [۲]
عقلک عدم کفایتی ، وجیه تمسکدن بشقه بر چاره بولونمادینغی [۳] ،
نظری اولان عدلک شکوک وظنوندن خالی اولدینغی ، انجق وحی ایله
تطمین اولونمسنک ضروری بولدینغی [۴] اوزون اوزادی به ایضاح
ایدن کتاب موجب تأسف اوله جقمی ؟ بر دین عقل وفکرت ، بر دین
حکمت و مصلحت اولان دین مینمزده عقلک حجج شرعیه اولسنه ،
قرآن کریمک بر جوق مجلدده بزلی ادله عقلیه به ارشاد ایتدیکنه [۱۰]
باقه رق ؛ امام الحنفیه ، ابوالانبیاء ابراهیم خلیل الرحمن علیه الصلاة والسلام
حضر تلمینک مسالک پاکرینه اقتدا ایدرک [۶] وحی و نقل ایله ثابت
اولان بر شیتی مجرد اطمینان قلبی ترنید ویا معاندینی انسکات ایچون
رأی و عقل ایله تأییدی التزام ایدن کتاب انکاره لایق کوریله جقمی ؟
اساسات دینییه فی فلسفه عقل بشر ایله مقایسه عقله ده ازباده اطمینان
بخش اوله مزمی ؟

حقایق قرآنیه اول امرده عقل ایچون وصولی ادراک اولنمه جق
حقایق بیلدیرر ایسه ده عقل ایچون هیچ بروجهله آنی حیطة دراکندن
خارجه آتاماز . قرآن کریم محالات عقولی خبر ویرمزی ، مخیرات
عقولی خبر ویرر . « ان العقل والنقل متوافقان » دستوری اسلامده
بر متعارفدر ، بالذات شیخ الاسلام ابن تیمیه الحرانی عقل صریح ایله

[۷] یکی علم کلام ایکنجی کتاب

[۸] یعنی « ادله نقلیه ظنی مفیددر . خطابه قیلندندر . عقل سمعه
مرجعدر » دینکله باشلامش ایدی .

[۹] یکی علم کلام صحیفه ۶۱

[۱۰] سلف امتک تاویلی اعظام ایتلری « تعطیله مؤدی اولق » فورقوسی
ایدی ، آیات کریمه مجازه مساعده اوله رقدده ینه تاویلی اعظام ایدرلر ایدی .
[۱۱] ایتدکاریکنز شیلر تمامیلہ اوچنچی کتابده معجزه معنویه تحتده

مندرجدر .

[۲] یکی علم ایکنجی کلام و اوچنچی کتاب [۳] یکی علم کلام صحیفه ۴۶-۵۶
[۴] یکی علم کلام صحیفه ۱۸ ، ۵۹ [۵] الم تحمل الارض مهاداً والجمال
اوتاداً - سورة نبأ - فلینظر الانسان مم خلق من ماء دافق - سورة طارق [۶]
قال اولم تؤمن قال بلی ولكن ابطن قلبی - سورة بقره - الم ترالی الذی حاج
ابراهیم فی ربه - سورة بقره

چین

(چین) ده مسلمانان اردوسی . — (تایمس اوف انڈیا) غزته سنک چین مخبرندن آلدینی معلوماته کوره چین ترکستانده کی اردو کلام مسلمانلردن متشکلدر . بوردونک ضابطری ده کاملاً مسلماندر . بوردونک باش قوماندانی اخیراً دین اسلامی قبول ایدن (تنغان) لره منسوبدر . بو (تنغان) لرتون چین مسلمانلریله ایی کچنیرلر وه مسلمانلرده اونلره رعایت کوسرلرلر سده ده چین مسلمانلری بونلری جامعلرینه ضوقامقده درلر . بوندن طولای (تنغانلر) ده کندیلرینه مخصوص جامعلر انشا ایتمکده درلر .

ایران

ایرانم برلی قاشر انجمنی مجبورینی . — قالكوتده انتشار ایدن (الجامعه) رفیقزده اوقوندیفته کوره ایران حکومتی برلی قاشلره اهمیت ویرمهک باشلامش . ایران غزته لرینه کوره ایران مبعوثانی ملی قاشلر حقنده مقررات آتییه ایتمکده ایتمشدر :

- ۱ — اردو و پولیسک ملبوساتی کاملاً ملی قاشلردن یایله جقدر .
- ۲ — وزرا ، مأمورین ، قضاة ، مبعوثان و سائر حکومت مستخدمینی ایفای وظیفه زماننده ملی قاش تلبس ایده جکدر .
- ۳ — بومقرراته رعایت ایتمکده بر آبلق معاشی کسلیلر .

هندستان

قالكوتده سیاه اوپه . — قالكوتده انتشار ایدن (الجامعه) رفیقزده اوقوندیفته کوره ۱۹۰۰ سنه سنده لورد (کورزون) (سیاه اوپه) فاجمه سنک خاطر مسی اوله رق بر ستون اقامه ایتمشدر .

بوسیه اوپه فاجمه سی انکیز دور حاکمیتک اساطیرندن بریدر . وبعض انکیز مورخلریک اویدورماسیدر . بو انکیز مورخلری دیورلرکه :

« بنغاله والیسی (سراج الدوله) ، (قالكوتا) بی ضبط ایتمکده زمان قلمه سنده ۱۳۰ انکیز بولش ، بونلری قاراکق و دار بر اوپه ده حبس ایتمش . بو اوپه آنجق طقوز اون کیشی صیغه جق بر اوپه اولدینی حالده موسی الیه ۱۳۰ انکیزی بورایه طولدورمش . بو انکیزلر صیباحه قدر بو اوپه ده قالمش . صباحین قابو آچیلنجه هپسنگ ترک حیات ایتمکده کورولمش ، یالکز اوچی قورتاریلا بیلمش . قورتولانلردن (هالویل) نامنده بر انکیز عسکرینک بو حکایه بی روایت ایتمکده سوبیلنمکده در . او زماندن اعتباراً بو اوپه « قاره اوپه » تسمیه اولوغشدر . »

فی الحقیقه بو حکایه نك اصلی اساسی بوقدر . بر چوق انکیز مؤرخلری ده بونک یالان اولدیغنی اعتراف ایدرلر . او زمان هندستانده بولونان بر چوق انکیز مؤرخلری ، ویاخود موثوق الکلام انکیزلردن بری بو حکایه بی روایت ایتمشدر . بوندن باشقه او زمان هندستانده اجرای حاکمیت ایدن انکیز شرق قومانیاسی ده بو حکایه بی خبر آلامشدر .

لورد (کورزون) بو اوپه لرده اولان انکیزلرک خاطر مسی احیا ایچون برستون اقامه ایتمک ایسته دیکی زمان برچوق انکیز وهندلی محررلر بو حکایه نك بطلانتی اثبات ایتمشدر سده (کورزون) بونلری دیکلامش وستونی اقامه ایتمش وستونک اوزرینه بو خرافه بی حک ایتمشدر .

بو خاطر هند ملتی رنجیده ایتمکندن بعض کنجیلر بونی ییققی ایسته مشلر وفضلاً ییقغه تشبث ایتمشدر . بو کنجیلر در دست اولونارک محاکمه ایدلمشلر و برر سنه کورکه محکوم اولمشدر .

ایشته علمنده بوندینک کلامیاتک موضوع بحث ایتمکده اوج نظریه دن بری سلفک ملتزمی در . دیکری سردوددر ، اوبری علی الاطلاق سردود دکلام . آرتو طولای نیسیله محصل الکلام ایله یکی علم کلام علمنده ایزاد کلام ایتمک ، بینه تکرار ایده حکم که ار استعجالدر ، ظن و تخمینه مقرون بر حکمدر ؛ « جلدلر طولوسی یاری یازدقلری بر علمک عدم لزومه بالطبع طرفدار اوله مازلر . » سوزینه بشقه بر مخاطب آرامق اقتضا ایده جکدر .

حضرت ، کلام لفضک لسان یونانیدن ، أخذ اولدینی ادعایی بلا دلیل بر دعوا در . بک طوغری سوبله دیککز وجهله امام اعظم حضرت تریسک ، الک اول کلامدن بحث ایتمی سببی ایله لغت ایله یاد ایتمکده ذات ابن بابدر ، ابن باب ۱۴۳ ده وفات ایتمکده آنک زماننده هنوز آثار فلسفیه یونانیه ترجمه اولونامش ایدی . عجیباً کلام عالیکز ضمنی بر تناقضی محتوی اولارمی ؟ اوت منطقک « لوزیک » ن آلدینی ثابت ایسه ده ، کلامک « لوغوس » دن آلدینی ثابت دکدر . عباسیلر زماننده تأسس ایدن فلسفه کلامیه اهل بدعتک ، ابوالهذیل ایله نظسامک تأسس ایتمکده کلامدر (۱) فی الواقع اهل سنت کلامی ده عباسیلر زماننده ابن کلاب و بغداد شیخ المشایخی ائمه صوفیون حارث الحاسی ایله باشلار ایسه ده بو کلامده فلسفه بوقدر . یالکز صفات کلامیه باینده اهل سنت خاصه دن آریلق واردر . بشنجی عصر هجریده اهل سنت کلامی توسع ایتمش ، عقله معارض کورینان صفات خیریه تأویل اولونغه باشلامش ایسه ده بین الا-الام حجة الا-الام نام عالیسی احراز ایدن ، زهد و ورعی ایله مشهور اولان امام ابو حامد محمد غزالی (۴۵۰-۵۰۵) زمانده قادر اهل سنت کلامی فلسفه ایله مخلوط اولدیمش ایدی . [۲] اوزمانه قادر اشعری ، باقلانی ، ابوالعالی ، ابن الهیثم ، ابو علی نجاشی ، ابوهانم جاشی ، عبدالجبار همدانی ، ابوالحسین البصری کبی فحول متکلمین «باش دوندیریجی کوز قاراردیجی ، دیدینک کوز اصول منطقیه بی ، اکامینی اولان فلاسفه طریقنی ابطال ایدرلر ایدی . هر نه قدر غزلی زمانندن اعتباراً منطق قبول اولونمش ایسه ده بینه عقائد اسلامییه منافی اولان نظریات فلسفیه شدتله رد وانکار اولونورق هیچ روقت مسائل اصیبه صره سنه کیرمه مامش ایدی . طعن و تشنیعه اوغرایان او علم کلام ضلالات فلسفیه نك او کینه کچدی ، اهل بدعت مذهبی طور دردی ، نته کیم تاریخ بوکا شاهددر [۲]

انقره
آزمیرلی

اسماعیل هفی

- [۱] محصل الکلام صحیفه ۴ ، یکی علم کلام صحیفه ۷۷
- [۲] محصل الکلام صحیفه ۷۰-۷۵ ، یکی علم کلام صحیفه ۷۷-۸۴
- [۳] مابعدی یاریجی پوسته یه ویریله جکدر .